



Broj: Broj: 01-50-1-15-14/07
Sarajevo, 10. septembra 2007.godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET. O b a v j e š t e n j e

Predstavnički Dom Parlamentarne skupštine BiH održao je 6. septembra 2007. godine 14. sjednicu. Pored ostalog, razmatrani su materijali koji su u nadležnosti i Doma naroda, kako slijedi:

1. Izvještaj komisije Kolegija o nastojanju za postizanje saglasnosti o Prijedlogu zakona o poljoprivredi, ishrani i ruralnom razvoju (Zakon u prvom čitanju);
2. Izvještaj komisije Kolegija o nastojanju za postizanje saglasnosti o Prijedlogu zakona o vinu, rakiji i drugim proizvodima od grožđa i vina (Zakon u prvom čitanju);
3. Zahtjev Vijeća ministara BiH za razmatranje Prijedloga zakona o izmjenama Zakona o carinskoj tarifi BiH po hitnom postupku, u skladu s članom 127. Poslovnika;
4. Prijedlog zakona o zaštiti planova rasporeda integriranih kola (drugo čitanje) – novi poslovnik;
5. Prijedlog okvirnog zakona o srednjem stručnom obrazovanju i obuci u Bosni i Hercegovini (drugo čitanje);
6. Prijedlog zakona o izmjenama Zakona o upravnom postupku (drugo čitanje);
7. Prijedlog zakona o izmjenama i dopunama Zakona o upravnim sporovima Bosne i Hercegovine (drugo čitanje);
8. Prijedlog zakona o besplatnoj pravnoj pomoći u građanskim sporovima (drugo čitanje);
9. Prijedlog zakona o elektronskom pravnom i poslovnom prometu (prvo čitanje);
10. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine (prvo čitanje);
11. Izvještaj o izvršenju Budžeta institucija BiH i međunarodnih obaveza BiH za 2006. godinu;
12. Razmatranje Izvještaja Ureda za reviziju institucija BiH o reviziji za 2006.godinu:
 - a) Ministarstva pravde BiH,
 - b) Generalnog sekretarijata Vijeća ministara BiH, ureda i službi,
 - c) Ministarstva komunikacija i prometa,
 - d) Predsjedništva BiH,
 - e) Parlamentarne skupštine BiH,
 - f) Ministarstva vanjskih poslova BiH,
 - g) Visokog sudskog i tužilačkog vijeća BiH,
 - h) Ministarstva za ljudska prava i izbjeglice BiH,
 - i) Pravobranilaštva BiH,
 - j) Agencije za državnu službu BiH,
 - k) Direkcije za provođenje restrukturiranja policije;
13. Izmjena Odluke o imenovanju članova Komisije za izbor generalnog revizora i zamjenika generalnog revizora u Uredu za reviziju institucija BiH;
14. Davanje saglasnosti za ratifikaciju:
 - a) Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u BiH;

- b) Sporazuma o finansiranju – dodatno finansiranje za Projekat razvoja zajednica – između Bosne i Hercegovine i Međunarodne asocijacije za razvoj.

Ad. 1.

Nakon što je postignuta saglasnost u Kolegiju o Prijedlogu zakona u prvom čitanju, u ponovnom glasanju Prijedlog zakona o poljoprivredi, ishrani i ruralnom razvoju nije dobio entitetsku većinu, pa slijedi ponovni postupak usaglašavanja, u skladu s Poslovnikom.

Ad. 2.

I o Prijedlogu zakona o vinu, rakiji i drugim proizvodima od grožđa i vina (Zakon u prvom čitanju) slijedi ponovno usaglašavanje u Kolegiju, jer nije u ponovnom glasanju dobio entitetsku većinu.

Ad. 3.

Dom nije usvojio zahtjev da se Prijedlog zakona o izmjenama Zakona o carinskoj tarifi BiH razmatra po hitnom postupku, u skladu s članom 127. Poslovnika. U skladu s Poslovnikom, Dom je odlučio da se Prijedlog ovog zakona razmatra po skraćenom postupku, u skladu s članom 126. Poslovnika.

Ad. 4.

Prijedlog zakona o zaštiti planova rasporeda integriranih kola u drugom čitanju nije dobio entitetsku većinu, pa slijedi usaglašavanje u Kolegiju kao komisiji.

Ad. 5.

Prijedlog okvirnog zakona o srednjem stručnom obrazovanju i obuci u Bosni i Hercegovini u drugom čitanju nije dobio entitetsku većinu, pa će se provesti usaglašavanje u Kolegiju Doma kao komisiji.

Ad. 6.

Zakon o izmjenama Zakona o upravnom postupku usvojen je u predloženom tekstu.

Ad. 7.

Zakon o izmjenama i dopunama Zakona o upravnim sporovima Bosne i Hercegovine usvojen je s jednim amandmanom koji glasi:

„U članu 12. u tekstu koji je označen znacima navoda iza riječi: „stupanja na snagu ovog zakona“, stavlja se tačka, a riječi: „o izmjenama i dopunama Zakona o upravnom sporovima Bosne i Hercegovine“ brišu se.“

Ad. 8.

Kako određeni amandmani na Prijedlog zakona u Domu nisu dobili entitetsku većinu i slijedi usaglašavanje, Dom se nije izjašnjavao u drugom čitanju o Prijedlogu zakona o besplatnoj pravnoj pomoći u građanskim sporovima.

Ad. 9.

Prijedlog zakona o elektronskom pravnom i poslovnom prometu usvojen je u prvom čitanju.

Ad. 10.

Prijedlog zakona o izmjenama i dopunama Zakona o ministarstvima i drugim organima uprave BiH također je usvojen u prvom čitanju.

Ad. 11.

Predstavnički dom usvojio je Izvještaj o izvršenju Budžeta institucija BiH i međunarodnih obaveza BiH za 2006. godinu, sa zaključcima, uz preporuku nadležnoj Komisiji za finansije i budžet da precizira zaključke predložene u svom izvještaju u smislu prijedloga iznesenih u raspravi.

Ad. 12.

Dom je usvojio izvještaje Ureda za reviziju o reviziji za 2006. godinu institucija navedenih u ovoj tački, s komisijskim izvještajima i preporukama sadržanim u izvještajima nadležne komisije.

Ad. 13.

Predstavnički dom donio je Odluku o izmjeni Odluke o imenovanju članova Komisije za izbor generalnog revizora i zamjenika generalnog revizora u Uredu za reviziju institucija BiH, tako što je umjesto Slavka Jovičića u Komisiju imenovao Momčila Novakovića. Ova izmjena učinjena je kako bi se ispoštovala zakonska odredba da u Komisiju treba imenovati dva člana iz opozicije, pa u tom kontekstu i Dom naroda treba izvršiti izmjenu imenovanjem u Komisiju jednog delegata iz opozicije.

Ad. 14.

Predstavnički dom dao je saglasnost za ratifikaciju sporazuma iz ove tačke.

Radi informiranja, obavještavam Vas da je Predstavnički dom, na inicijativu Kluba poslanika SDP-a i Narodnog kluba, usvojio zaključak da se osigura direktan TV prijenos sjednica Doma.

S poštovanjem,

**PREDSJEDAVAJUĆI
PREDSTAVNIČKOG DOMA
Beriz Belkić**